

Frá: Valgerdur.Jonsdottir@reykjavik.is <Valgerdur.Jonsdottir@reykjavik.is>

Sent: mánudagur, 10. febrúar 2020 15:32

Til: Ómar Einarsson <omar.einarsson@reykjavik.is>; Hjálmar Sveinsson <Hjalmar.Sveinsson@reykjavik.is>; frimann@ibr.is; ingvar@ibr.is; helgi@leiknir.com; oscarclausen@gmail.com; Björn Gíslason <Bjorn.Gislason@reykjavik.is>; hordur@fylkir.is; gudharx@gmail.com; jon.thor@armenningar.is

Efni: Jafnréttisúttekt Reykjavíkurborgar á þremur hverfisíþróttafélögum

Tilvísun í mál: R20020071

Reykjavík, 10. febrúar 2020
R20020071

1360

Efni:

***Jafnréttisúttekt Reykjavíkurborgar á þremur
hverfisíþróttafélögum***

Á fundi ofbeldisvarnarnefndar 20. janúar 2020 var eftirfarandi tillaga samþykkt samhljóða:

Jafnréttisúttekt á þremur hverfisíþróttafélögum var gerð 2016. Í þeirri úttekt kom fram að jafnréttisstefnur voru ekki nægilega virkar innan þeirra. Í kjölfarið hefur verið unnið með hverfisíþróttafélögum og þau hvött til að standa betur að jafnréttisstarfi.

Samkvæmt samningum sem gerðir eru fyrir hönd borgarinnar við íþróttafélögin eiga Íþróttabandalag Reykjavíkur og íþróttafélögin í Reykjavík að sjá til þess að allir njóti jafnra tækifæra til að stunda og starfa við íþróttir. Ofbeldisvarnarnefnd telur mikilvægt að taka upp þráðinn aftur og felur mannréttinda- og lýðræðisskrifstofu að gera úttekt á jafnréttismálum innan þriggja hverfisíþróttafélaga í Reykjavík. Meðal þess sem kannað verði er hvort þau séu með virkar jafnréttisáætlanir og siðareglur, kynjahlutfall iðkenda og hvernig fjármagn félagsins skiptist á milli kynjanna. Jafnframt verði skoðuð þátttaka þeirra hópa sem mannréttindastefnan nær til í starfi félaganna. Skoðað verði hversu aðgengilegar jafnréttisáætlanirnar séu og hvernig eða hvort þær eru kynntar fyrir starfsfólki, iðkendum og foreldrum iðkenda í yngri aldurshópum.

Mannréttindaskrifstofu er falið að útfæra nánar úttektina og velja félögin með slembiúrtaki. Úttektin taki til annarra íþróttafélaga en voru skoðuð 2016.

Á fundi ofbeldisvarnarnefndar 3. febrúar 2020 voru íþróttafélögin Ármann, Leiknir og Fylkir dregin út með slembiúrtaki. Þau félög sem voru tekin út 2016 voru ekki í pottinum.

Eins og fram kemur í samþykktinni frá 20. janúar verður úttektin unnin af mannréttinda- og lýðræðisskrifstofu Reykjavíkurborgar sem einnig vann úttektina sem gerð var 2016. Ætlunin er að vinna hana í samráði við ÍBR, ÍTR og þau félag sem voru dregin út og leitum við hér með eftir ykkar aðstoð og samvinnu.

Úttektin er liður í því að fylgja eftir samningi ÍTR, ÍBR og íþróttafélaganna en 13. gr. samningsins kveður á um að:

„ÍBR og íþróttafélögin skulu sjá til þess að allir njóti jafnra tækifæra til að stunda og starfa við íþróttir án tillits til uppruna, þjóðernis, stéttar, tungumáls, litarháttar, trúarbragða, lífs-, stjórnmalaskoðana, trúleysis, kyns, kynhneigðar, kynvitundar, kyntjáningar, kyneinkenna, aldurs, fötlunar, holdafars, líkamsgerðar, heilsufars, atgervis eða annarrar stöðu. ÍBR og íþróttafélögin eiga einnig að tryggja öryggi og velferð iðkenda og annarra sem að íþróttastarfinu koma. Þau skulu hafa virka jafnréttisstefnu og aðgerðaráætlun til að fylgja eftir stefnunni. ÍBR og íþróttafélögin skulu fylgja siðareglum og hegðunarviðmiðum, m.a. reglum til að sporna við kynferðislegri áreitni og kynferðislegu ofbeldi í íþróttum, mannréttinda- og forvarnarstefnu Reykjavíkurborgar.

Íþróttafélögin skulu bjóða uppá fjölbreytt starf og móti sér verkferla við móttöku á iðkendum af erlendum uppruna. Hverfisfélög skulu setja sér markmið um að hlutfall barna af erlendum uppruna í iðkendahóp endurspegli íbúasamsetningu hverfisins.

Samkvæmt styrkjareglum Reykjavíkurborgar skulu styrkþegar hafa kynnt sér styrkjareglur, siðareglur og verkferla, og mannréttindastefnu Reykjavíkurborgar og fylgja þeim við framkvæmd hins styrkta verkefnis.

Á samningstímanum verður unnið að siðamálum þar sem íþróttafélögin tilnefna tvo fulltrúa sem aðstoða í málaflokknum innan hvers félags.

Verði gerð úttekt á stöðu þessara mála á samningstímanum veiti íþróttafélögin fúslega allar upplýsingar sem á þarf að halda.“

Til að ræða verkefnið og til að fá ykkar reynslu og sjónarhorn á það boðum við til fundar í Ráðhúsi Reykjavíkur, Tjarnarbúð, 24. febrúar kl. 15:00 – 16:00

Vakni einhverjar spurningar í sambandi við þetta vinsamlegast hafið samband við Halldóru Dýrleifar-Gunnarsdóttur, netfang halldora.gunnarsdottir@reykjavik.is.

Með von um góða samvinnu,

Anna Kristinsdóttir

Samrit:

Íþróttafélagið Ármann, Íþróttafélagið Fylkir, Knattspyrnufélagið Leiknir, Menningar-, íþrótt- og tómstundaráð Reykjavíkurborgar, Íþrótt- og tómstundasvið, Íþróttabandalag Reykjavíkur